

**Namminersorlutik Oqartussat aningaasalersuisarnermik ingerlatsineq pillugu
inatsimmik allannguneq inatsisini assigiinngitsuni aalajangersakkat ilaasa
allanngortinneqarnerinik peqqussut pillugu Inatsisartut aalajangiiffigisassaattut
siunnersuut**

Aningaasaqarnermut Akileraartarnermullu Naalakkersuisumit saqqummiunneqartoq

pillugu

Aningaasaqarnermut Akileraartarnermullu Ataatsimiititaliap

siunnersuutip aappassaaneerneqarneranut

ISUMALIUTISSIISUTAA

Aningaasaqarnermut Akileraartarnermullu Ataatsimiititaliap suliarinninnermini kingullermik ilaasortarai:

Inatsisartunut ilaasortaq Asii Chemnitz Narup, Inuit Ataqtigiit, siulittaasoq

Inatsisartunut ilaasortaq Pele Broberg, Naleraq, siulittaasup tullia

Inatsisartunut ilaasortaq Peter Olsen, Inuit Ataqtigiit

Inatsisartunut ilaasortaq Pipaluk Lyngø, Inuit Ataqtigiit

Inatsisartunut ilaasortaq Kuno Fencker, Siumut

Inatsisartunut ilaasortaq Karl Tobiassen, Siumut

Inatsisartunut ilaasortaq Jens-Frederik Nielsen, Demokraatit

UPA 2024-mi ulloq 16. april 2024 siullermeerinninnerup kingorna ataatsimiititaliap sunnersuut misissorpaa.

1. Siunnersuutip imarisaa siunertaalu

Aningaasalersuisarnermik ingerlatsineritut inatsit pillugu peqqussutip nutarterneqarnissaa peqqussutissatut missingiutip matuma siunertaraa. Aningaasalersuisarnermik ingerlatsineritut danskit inatsisaannut allannguutitut inatsisit arlallit allannguutikkut Kalaallit Nunaannut atuuttussanngortinneqassapput.

Aningaasalersuisarnermik ingerlatsineq pillugu inatsit Kalaallit Nunaannut 2004-mi atuutilersinneqarpoq, peqqussummullu allannguutissatut siunnersuutini pineqarput danskit inatsisaanni 2021-mit 2023-mut nutarterinerit arfineq pingasut. Peqqussutip naleqqussarnera assigiinngitsorpassuarnut tunngavoq, taakkununnгалu ilaapput siulersuisuni aammalu aqutsiveqarfinni qaffasissutsini allani kiisalu suliffeqarfinni aqutsiveqarfinni qaffasissutsini allani ilaasortat akornanni angutit arnullu assigiimmik agguataagaangippata kisitsisit anguniagassat,

suliffimmik qimatsinermit aqqissuussinerit tamanut saqqummiunneqarneri, tunisassianut nutaanut atatillugu periutsit akuersissutiginnittarnerlu, naleqquttuunissaamik assuarnaatsuunissamillu pisortamut siulersuisunulluunniit ilaasortamut piumasaqaatinik Finanstilsynip naliliinera kiisalu aqutsinermik sumiginnaanermut atatillugu kinguneqartitsineq.

2. Siunnersuutip Inatsisartunit siullermeerneqarnera

Allanguutit siunnersuutip nassatarisassai nalinginnaasumik taparserneqarput. Siulersuisuni aqutsisunilu arnat angutillu amerlaqatigiinnissaannik piumasaqaatip piviusunngortinneqar-nissaanut pisussaaffiliisumik piffissaliiffiunngitsumik aalajangersagaliernerup suliareqqinne-qarnissaa pisariaqartoq oqaatigineqarpoq. Tamannalu tunngavigalugu siunnersuut Aningaasa-qarnermut Akileraartarnermullu Ataatsimiititaliamit sularineqartussanngorlugu innersuun-neqarpoq.

3. Siunnersuutip nassuiarneqarnissaa siunertaralugu Aningaasaqarnermut Akile-raartarnermullu Naalackersuisumik ilisimatitsiffiusumik ataatsimeeqateqarneq

Siunnersuummik sularinninnerminut atatillugu ataatsimiititaliap siunnersuutip ilusiligaane-ranik nassuiaanissamik Aningaasaqarnermut Akileraartarnermullu Naalackersuisoq qinnuigaa. Siunnersuummut tunuliaqutaasup, ilusaata, imarisaata kingunissaasalu siunnersuutip Inatsi-sartunit sularineqarnerani ersarissuunissaat ataatsimiititaliamit pingaartinneqarpoq.

4. Ataatsimiititaliap siunnersuummik sularinninnera

Allanguutit siunnersuutip nassatarisassai siunnersuummik siullermeerinninnermi pingaarne-rusutigut taparserneqarput. Ataatsimiititaliamit kissaatigineqartut Naalackersuisut siunnersuutip ilusiligaanerani nassuiaataata assilinera ilanngussaq 1-itut ilanngunneqarpoq.

Aqutsisuni siulersuisunilu nalogiissitsisoqarnissaa pillugu aalajangersakkap ataatsimiititaliami suliareqqinneqarnissaa kissaatigineqartoq siunnersuummik siullermeerinninnermi erseqqissaa-tigineqartoq ataatsimiititaliamit maluginiarneqarpoq.

Aqutsisuni siulersuisunilu arnat angutillu amerlaqatigiissilerniarlugit sulisoqarnera pitsaa-suusooq ataatsimiititaliaq ataatsimut isigalugu isumaqarpoq. Inuiaqatigiit qanoq aqqissugaanis-saannut inatsisit aqutugalugit killissanik aalajangersaasoqarsinnaavoq, taamaapporlumi aala-jangersakkami matumani pineqartumi arnat angutillu amerlaqatigiissilernissaannik angunia-qarfiusumi.

Siunnersuummi § 79 a, imm. 4-mi ima allassimasooq ataatsimiititaliamit maluginiarneqarpoq:

”Suliffeqarfiup siusinnerusukkat anguniakkatut kisitsisit allattukkat anguneqarsimaler-pata imaluunniit anguniakkatut kisitsimmik nutaamik, naammassinninnissamut naatsor-suutigineqartoq piffissaliunneqarsimasooq qaangiuppaa, imm. 1, nr. 1 aamma 2 malillu-git suaassutsit aggornerinut ikippallaartunik sinniisulinnut, anguniakkatut kisitsisinik

nutaanik qaffasinnerusunillu siulersuisut allattuissapput.”

Taamaalillunilu arnat angutillu amerlaqatigiinnissaannik piumasaqaatip piviusunnngortinneqarnissaanut piffissamik pisussaaffiliisoqanngilaq. Tamanna pillugu ataatsimiititaliaq ima oqaaseqaateqarumavoq:

Siulersuisuni aqutsisoqarfinnilu atorfinnik inuttaliinermi inuttut piginnaasat aammalu ilinniakkatigut tunuliaqutit sulii assut pingaartinneqartut ataatsimiititaliamit maluginiarneqarpoq.

Tamatuma peqatigisaanik siulersuisunut ilaasortat imaluunniit aqutsisoqarfinni ilaasut arnat angutillu amerlaqatigiinnissaat pillugu inatsisip nutarterneqarnissaa, taamaalillunilu suliaassarfimmi tassani ullutsinnut aamma naleqqussaannissap pingaaruteqartut isigineqarnera ataatsimiititaliamit maluginiarneqarpoq. Ataatsimiititaliamilli maluginiarneqarpoq arnat angutillu amerlaqatigiinnissaannik piumasaqaatip piviusunnngortinneqarnissaanut piffissamik pisussaaffiliisumik aalajangersaasoqannginnera isumaqatigiiffiunngitsoq.

5. Siunnersuutip aningaasaqarnikkut kingunerisassai

Aningaasaqarnikkut kingunerisassat siunnersuummi nassuiaatigineqartut ataatsimiititaliamit tusaatissatut tiguneqarput.

6. Ataatsimiititaliap inassuteqaatai

Siunnersuut akuerineqassasoq ataatsimiititaliap isumaqatigiittup inassutigaa.

Taama oqaaseqarluni isumaliutissiisummilu allassimasutut paasinnilluni ataatsimiititaliap siunnersuut aappassaaniigassanngortippaa.

Asii Chemnitz Narup
Siulittaasoq

Pele Broberg
Siulittaasup tullia

Karl Tobiassen

Pipaluk Lyngø

Kuno Fencker

Peter Olsen

Jens-Frederik Nielsen